

60 نعيم الجنة - الدار الآخرة

شوفي عبدالصادق

الحمد لله والصلوة والسلام على سيدنا رسول الله وعلى الله وصحبه ومن والاه وبعد. سلام الله عليكم ورحمته وبركاته ثم اما بعد مع رحلة الى نعيم الجنة. نسأل الله ان يجعلنا من اهلها - 00:00:01

نعم اهل الجنة شيء طيب يكفي انها اصلا دار كرامة خلقها الله يكرم بها اولياءه فنسأل الله ان نكون من اوليائه الجنة حاجات كثير قصور وعلى اشجار على نساء على على حاجات كثير جدا - 00:00:27 فيها كما قال الرسول عليه الصلوة والسلام ما لا عين رأت ولا اذن سمعت ولا خطر على قلب بشر قصور الجنة. هذه القصور او الخيام من دهب انفض من لؤلؤ - 00:00:53

شوف بقى هتبقى يعني هيبقى شكلها ايه بقى حور مقصورات في الخيام. الخيمة دي لؤلؤة مش خيمة بلاستيك ولا خيمة لأ من لؤلؤة ولمن خاف مقام ربه جنتان. دول من ذهب - 00:01:18

ومن دونهما جنتان. دول من فضة عن ابي موسى الاشعري قال رسول الله صلى الله عليه وسلم ان للمؤمن في الجنة لخيمة من لؤلؤة واحدة خيمة من لؤلؤة واحدة مجوفة طولها ستون ميلا - 00:01:39

طولها ستون ميلا للمؤمن فيها اهلون يطوف عليهم المؤمن فلا يرى بعضهم بعضا نساء وحوره ماليين بقى الحاجات دي ويطوف عليهم. ما حدش بي Shawf الثاني وده برضو من النعيم وقال صلى الله عليه وسلم جنتان من فضة - 00:02:07 انيتها الجنة كلها كده من فضة القصر كله فضة انيتها وما فيها كل الانية القوارير اللي فيها الاكواخ اللي فيها ان كان فيها نعال بتتلبس السراري اللي فيها كل حاجة فيها. اي عينك تقع على اي حاجة - 00:02:39

فكه ايه ها فضة وجنتان من ذهب كل اللي فيها دهب في دهب شوف الذهب الملعون اليومين دول اللي افسد الناس افسد وسلعة وشيء ولا معنى له في الحياة اصلا - 00:03:03

ما الدورة عندها الذهب ده ايه فايدته في حياته ما لوش اي فايدة خالص غير فساد الناس افسد الرجال والنساء فساد فعلا والزمم خربت بسببه. ايه اللي بيجييه للناس ولا حاجة - 00:03:24

ولا حاجة عارف العربية تكرر الحمار بيشهدها ده ايه احسن من المحل ده فيها منفعة بيحيب عليها برسيم للبهائم بتحطوا عليها كماوي وتودي سعاد. فيها منفعة طب خلي العربية دي دهب - 00:03:43

هترضى تعلق فيها حمار هترضى اصلا تمشي بها في الشارع شفت ما لوش اي فايدة في حياة الناس ما لوش اي فايدة خالص في حياتها. زيادة على ذلك بقى صفائح والناس تنكوي به في النار لو ما ادوس زكاته - 00:04:04

معدن عجيب الشكل وافسد الناس فعلا. ايه الظروف الحياة؟ ولا حاجة الذهب طلع الذهب نزل الشبكة نختلف نرجع بالقديم ولا بالجديد صح ولا مش صح اه ضمایر بقى والضمایر تخرب - 00:04:22

تخرب خالص ايه دور الذهب في الحياة الحديد احسن من انزلنا الحديد فيه بأس شديد ومنافع للناس بس رب العالمين يعلم النفوس ضعيفة لأن هو اللي خالقها فامضت في الجنة بالاليه؟ - 00:04:41

بالحديد ولان خالص ما عدش له غضور بقى ما هو الجنة فيها حرب عشان نبقى محتاجين البأس الشديد والمنافع للناس فيها بواخر وفيها قطر سكة حديد وما فيش مش محتاجين بقى الحاجات دي خالص. محتاجين بقى زينة اهو الزينة اهي بقى. بليطوا في الذهب - 00:05:02

تخيل لما تكون جنة الحيطان بتاعتها ذهب اي حاجة اي حاجة آآاكواب برضه سرير اي حاجة مقبض اي اي كل دهب في دهب في دهب. ولمن خاف مقام رباه ايه؟ دي الجنتين الاول. الجنتين الثانيين من دونهما. يبقى جنتان من فضة - 00:05:21
انيتها وما فيها ومنتان من ذهب وما فيها وما بين القوم وبين ان ينظروا الى ربهم الا رداء الكبر على وجهه في جنة عدن عاوز اقول لك بقى كل النعيم ده هتزهقه منه - 00:05:44

ومش هتبقو يعني مش هيأسركم بقى خلاص يعني بس هو نعيم يبقو نفسهم ايه بقى ها ينزوا الى وجه الله فما فيش الا الرداء الكبر يحجب الله عن عباده - 00:06:04

ما يشوفوش الله الا ما الرداء ايه؟ يترفع لكن لا يحجب العباد عن مين؟ عن الله سبحانه وتعالى. واضح كده؟ اه بالنسبة لللؤلؤة المجاواة فطولها ستون ونميلا. عارف الميل قد ايه؟ الميل. ست الاف زراع - 00:06:19

بالزراع بتاعنا ده من من من طرف الاصبع للمرفق. المرفق قل خمسين سنتي والخمسين سنتي يبقى ايه؟ ست الاف زراع يعني كام؟ تلات تلاف زراع. يعني تلات تلاف آآ - 00:06:41

متر يعني بقى كم؟ تلاتة كيلو. طب هي طولها ستون ميلا. يبقى تلاتة في ستين بمية وتمانين كيلو معقول اه ايه ده ودا الوحيد الجنية دي ايه دي ايوة لا يمكن عقلك يستوعب كل الكلام المذكور هنا ده عقلك مش هستوعبه - 00:07:00

مش هيستوعبه لأ فعلا بس ده الایمان بالغيب بقى وده اليقين في الله حاجة صعبة ايه ده! ده كله ولؤلؤة لؤلؤة مجوفة ويتاع بتاعتي دي. اه يا معقول ده الواحد قاعد في الشقة السقف هيقع عليه - 00:07:25

مش كده ولا ايه؟ ها السقف هيقع والبرومة اللي فيه ويسبب يسب ده ويفضل حابس نفسه في الشقة يقول يعني يطلع برة يعني ولا يروح فين؟ لا يعني ايه - 00:07:47

اكبر قال لي عندك طموح مش كل امنياتك هتجيب قرض عشان مش عارف تجيب شقة فين يا راجل احجز لك لؤلؤة فين؟ اشتغل اشتغل ما هو خلي بالك والله الذي لا الله الا هو لو اشتغلت للجنة او للآخرة هتلاقي اللي نفسك فيه فين - 00:08:00
الدود ومن اراد الآخرة وسعى لها سعيها وهو مؤمن فاولئك ايه؟ من كان يريد حرث الآخرة ها؟ نزد له في حرث ومن كان يريد حرث الدنيا نؤته منها. مش هي هو يريد حرث الدنيا. لا لا نؤته منها - 00:08:22

انت تاخذنا كلها مش هيحصل مش هنحددك منها نؤته منها وما له في الآخرة من نصيب الشاهد لما يكون منز لللؤلؤة بده حاجة فزيعة حاجة فعلا عقل ما يتخيلاش. ومليانة ايه دي؟ يقول لك فيها اهلون - 00:08:44

ونساء الدنيا حاجة ملك كيف تكثر بيوتك في الجنة تقدر تكثر البيوت بتاعتك؟ اه الا يعني مش كل واحد له مش بالحجز يعني والكورونا خلصت وتشوف لك وصلة ها لا عاوز عاوز ابني - 00:09:04

عاوز يبقى لك كتير يبقى لك كتير. عاوز تكثر القصور بتاعتك كتر انت حر عاوز تقلل تاخد الحد الادنى برضو انت حر عن عثمان بن عفان رضي الله عنه قال رسول الله صلى الله عليه وسلم من بنى مسجدا - 00:09:32

يبيتفي به وجه الله بنى الله له مثله في الجنة ابن مسجد طب معك تيك اكتر يعمل ايه وعن ام حبيبة خلي بالك هنا بقى مش كله هيقدر يبني ايه ها - 00:09:48

مش هيبقو بالزات بقى ابو ثلاثة ابو ثلاثة وثلاثين الف على فوقه ثلاثة وثلاثين اه خنكة خلاص الناس جرى لها مخها حاجة ان ربنا يقدر ممكنا نبقى نفرد حاجة التجار دول - 00:10:02

لعل الله سبحانه وتعالى يعني ينفعنا او اولا. على ام حبيبة قالت ما من عبد مسلم يصلى لله كل يوم ثنتا عشرة وتركتعة تطوعا غير فريضة الابن له بيتا في الجنة - 00:10:16

يبقى عاوز تكثر البيوت يكتير كل يوم هتعمل ايه؟ اتناسير ركعة نافلة بس تصل لها مثنى مثنى ومحروفين الرواتب اللي هم اتنين بقى ايه؟ قبل الصبح واربعة قبل الزهر والاربعة بعده او اتنين بعده على الاقل او العكس - 00:10:37

واتنين بعد المغرب واتنين بعد العشاء. والعصر انت بالخيار لكن الحد الادنى الاتناشر دول ما فيه مش عصر الاتناشر دول ما فيه مش ايه

؟ ما فيهمش سنة عصر عاوز تيجي على العصر اربعة لا بأس اتنين لا بأس - 00:11:02

لو كانوا اربعة يبقو كده كم ؟ اربعناشر. ستاشر لو كانوا اتنين يبقو اربعناشر ركعة خير كل ما تصلي الاتناشر دول كل يوم يتبني لك بيت في الجنة ؟ بيت في الجنة كل يوم كل يوم - 00:11:20

برضه انا بقول لك مش عايز تبقى انت مش هتستوعبها. كل يوم بيت ده الواحد عبال ما يبني بيت واحد عمره كله بيخلص ساعات ما بيسكتوش ما بيسكتوش. تخيل بقى كل يوم تبني بيت كل يوم تبني بيت. كل يوم بيت. اذا ما انا بقول لك مخك مش هيستوعبها. كل يوم بت - 00:11:37

يعني النهاردة التلات من التلات اللي فات للنهاerde بقى كم بيت كده ؟ ها ؟ تمان بيوت ايه ده يعني ده انت هيبيقى لك ايه ؟ هيبيقى لك دولة هناك دولة مدينة كاملة اضرب بقى السنة فيها كم يوم - 00:11:59

ولو ربنا اكرمك و كنت على الطاعة مواطن مسلا عشر سنين تلاتين سنة مسلا اربعين سنة ما مفتوحة ما فيش حد بيقول لك ايه ده فيه بقى بيت خاص عجيب اوبي البيت ده اسمه بيت الحمد. طب ايه بيت الحمد ده بقى ايه لانه له مناسبة خاصة - 00:12:17

يبقى عندنا السنن الرواتب دي بيوت سابته واردة كل يوم. عن ابي موسى الاشعري قال رسول الله صلي الله عليه وسلم اذا مات ولد العبد قال الله لملائكته قبضتم ولد - 00:12:39

عبدي فيقولون نعم فيقول قبضتم ثمرة فؤاده ؟ فيقولون نعم. فيقول ماذا قال عبدي ؟ سبحان الله. فيقولون حمدك واسترجع يعني قال الحمد لله انا لله وانا اليه راجعون فيقول ابنا لعدي بيتا في الجنة وسموه بيت الحمد - 00:12:54

خلي بالك الاسئلة دي كلها والله اعلم طبعا بس احنا بنستشف وبنجتهد. ليه الاسئلة دي ؟ ليه الاسئلة ؟ والملائكة بتجاوب نعم ؟ قال كزا

قال كزا الله عز وجل اللي انا بستشفه يعني من السؤال والله اعلم بمراده - 00:13:24

اهو ده العبد اللي كنت قلته عليه هيفسد في الارض وبهلك الایه ؟ هو وغيره. هو وغيره بقى مش ده بس يعني اهو شوفوا بيعمل ايه ايه سر السؤال للملائكة ؟ لاني الله عز وجل هو اللي امر بقبض الروح الله يتوفى الانفس. يبقى الوفاة الاول من الله - 00:13:44

وبعدين ملك الموت بيتحرك ومعه الملائكة بيساعدوه فاصلا الله الذي يتوفى الانفس. فايه السؤال ؟ السؤال يعني عبدي. يعني ايه برضو يا رب ؟ يعني دول الملائكة اللي كانوا بيقولوا عليها يفسد في الارض - 00:14:08

تشريف للعبد فلازم نسأل الله ان يجعلنا كذلك خلي بالك برضو لان الصدمة ما منع ما نعرفش ربنا يعافينا واياكم. الانسان يتقبلها ازاى فعلها لما ولده بيموت تبقى صدمة يتقبلها ازاى - 00:14:23

مش كل الناس بتقبلها صح يعني فهنا الحديث بيقول لك لا اقل الحمد لله سواء بقى الواد الوحداني الواد الكبير الواد الطيب الواد المطيع اللي الواد الكسيب الواد اللي كان فاتح لنا البيت - 00:14:40

كل ده وارد ولا ايه ؟ ايا كان بقى. المهم تقول الحمد لله انا لله وانا اليه يقوم في اليوم ده هو يبني لك البيت الله ! ويفرق ايه عن الموت الثاني ! لازم يفرق - 00:14:57

لازم يفرق مع انه لو زي البيوت الثانية يبقى ما فيش ميزة ما هو البيوت الثانية يعني انا وانت بنصلی الاتناشر ايه ؟ ركعة لو انا لو بيت الحمد زي بيوت الاتناشر ركعة. ما هو مش فارقة حاجة - 00:15:13

واحد بالك ؟ وهتساوى مع مين ؟ مع اللي ممتوش حد ما هو ممكن واحد هو اللي يموت وولاده ما يمتوش لأن لازم اللي صبر دهوه يتميز واحد بالك عن اللي مات له وما صبرش ويتميز عن اللي ما ماتتوش اصلا - 00:15:31

لازم يتميز بيت الایه ؟ ولازم البيت ده يبقى غير البيوت الاتناشر بتوع الایه ؟ آ بتوع الصلوات الاتناشر. غيرها لازم يبقى غيرها وتدخل فيه تلاقي فيه حاجة مش موجودة في الایه ؟ لازم - 00:15:49

عشان يبقى تحس فيه ميزة فيه ميزة فطبعا ده يعتبر ايه ؟ بيت خاص اشجار الجنة جنة فيها اشجار فيها انهي شجر بقى كل شجر حلو كل شجر سواء مسمار وغير مسمار وكله بقى - 00:16:04

القرآن طبعا ذكر اشكار الجنة. قال رب العزة ان للمتقين مفازا. حدائق واعنابهم فيها فاكهة ونخل ورمان. واصحاب اليمين ما اصحاب

اليمين في سدر مخضوض وطلح منضود نبات السدر النبأ - 00:16:22

في الشوك بقى ما فيهوش شوك سدر منضود يعني ما لوش ما فيهوش شوك. وطلح منضود قيل هو الموز. وظل ممدود وماء مسکوب. كل الاسماء بس اسماء بس انما لا يمكن. يعني مسلا ممکن تلاقیها في غير الدنيا فيها السمرة مدودة - 00:16:43
فيها حاجات كده مش تباقاش حلوة وهي لسه على الشجر نفسه سفندی واحد حبيبنا كان جايب لنا سفندی لسه قاطعه وتلاقی فيه دود. ايه يا عم ده يقول لك اصل صيني. الله! هو فعلًا الصين مدودة ظاهراً وباطناً. حاجة صعبة. لسة جايده يعني هو قاطعه وجاته - 00:17:05

فيه دود سفندی فيه دول وساعات تلاقی الموز فيه هدوم والله كم مرة واحد في التليفزيون عمال يقصر الصبع ويفتحه بالطول كده ويقول لك اهي اه نسد نفسنا. يا ابني حد مسلطك علينا؟ طب - 00:17:24

هناكل ايه بقى؟ ما كل حاجة كده بقت صعبة صعبة فالشاهد دي اسماء بس. يعني شجرة الموز اللي في الجنة غير شجرة اسمها بس اسمها شجرة ايه؟ الموز او الطلح - 00:17:41

بس انما طبعاً سمار الجنة بقى حاجة تانية خالص حاجة تانية خالص فالسمار هناك والأشجار ما يعلم عددها الا الله ولا شكلها الا الله سبحانه وتعالى متكئين على فروش بطانتها من استبرق - 00:17:54

وجنى الجنتين دا طبعاً كل واحد عنده الشجر اللي في القصور بتاعته وفي البيوت بتاعته متکئ على السرير يلاقي القطفي النازل مدلل لك مش مسلا عشان تقوم عشان تاكل تقوم تقف وتجيب سلم وتشم - 00:18:11

ولا تنفع عيل خفيف يطلع ياد هات لي لا لا ما فييش الكلام ده هو القطف ايه هو اللي ينزل هو اللي ينزل. انت سيادتك قاعد فين منين ما تكون قاعد - 00:18:33

طب وانت افرض وقفت ونفسك تاكل وانت واقف. يرتفع هو يرتفع يعني انت مسلا كوي على المتکئ على السرير ميل لك ونزل عشان تاكل طيب قمت واتحركت ورحت شمال يمين وواقف ونفسك في زي المروحة مسلا يقوم طالع فوق تاني - 00:18:48
تمد ايدك. المهم ده نية ايه وجنى الجنتين ايه؟ قطوفها دانية قطوفها دانية طيب نفس الكلام اللي في البيوت في الشجر تقدر تکتر الشجر؟ اه كيف تکتر اشجارك في الجنة - 00:19:10

اغرس بقى هنا يا راجل مش عارفين نعمل حاجة. ده ناس جايبيين لنا قرشين بتوع صدقة جارية عشان نعمل لهم مش عارفين نعمل حاجة. لا عارفين نزرع ولا عارفين نعمل لهم سبيل مية. لو حد قدامه حته نعمل فيها سبيل ماية يقوم. عاوزين حته الناس عطشانة فيها يا جدو - 00:19:33

والناس عطشانة فيها ماشي. المهم كتر اشجارك في الجنة تقدر تکتر اشجارك في الجنة عن ابي هريرة رضي الله عنها عنه قال رسول الله صلی الله علیه وسلم مر على ابي هريرة فلقاء بيغرس ايه بيغرس غرسه - 00:19:52
بيحط شجرة مسلا نخلة او شجرة زتون وقال يا ابا هريرة ما الذي تغرس؟ بتعمل ايه؟ قال غرساً. قال الا ادلك على غراس خير من هذا؟ سبحان الله والحمد لله ولا الله اكبر. اربع جمل سبحان الله - 00:20:08

والحمد لله ولا الله الا الله والله اكبر وقال له ايه بقى؟ لك بكل واحدة شجرة في الجنة. ايه ده! انا بقول لك والله ما هي حاجات مش هتتخيلها ادي اربع شجرات خدوا مني ايه - 00:20:34

ما فيش سانية خالص سبحان الله والحمد لله ولا الله الا الله والله اكبر. ايه ده بقى اذا بقى عاوزة كام فدان بقى ديت وانا طب هقعد كده بقى قول الله اکثر - 00:20:50

قم بس قل. ما هو المشكلة انك تقول المشكلة ان شف برغم السهولة دي لا الصمت الكلام في الاسعار الكلام في السياسة كلام في اي قرف وننسى الایه ننسى الزکر - 00:21:08

رغم ان سهله خالص اهو بقى ازرع ازرع وکتر ازرع وکتر الغريب بقى ان في ناس رغم كل ده بس هم محقين يعني انا بحب الانسان اللي بيحب الزراعة ده انا بحب الانسان اللي بيزرع - 00:21:28

لان المهنة دي ماتت واحنا رحنا ورا الشمس زي ما بيقولوا بسبب موت المهنة مهنة الزراعة دي. واحنا صغيرين لسه يقول مصر بلد زراعي وليس ايه؟ يعني ايه برضه؟ عاوزين يقولوا لنا ايه - 00:21:50

يعني ما فيش امل تتعلمه ليه ؟ سببكم من الصناعة دي. انت بتوع ايه ؟ ماشي يا سيدى. طب سيبونا نزرع. لأن ازرع حاجة ما فيهاش فايدة. ماشي. انما تزرع عشان تصدر - 00:22:08

عشان تبقى الاول في العالم في السلعة الفلاحية. والناس تحتاجك. ويبقى الجندي له سعر والدول اللي عاوزة القطن عمالة تصوت عاوزين قطن عشان نلبسها ومش لاقين الجندي. الجندي بقى بايه؟ بقى باربعين دولار - 00:22:25

مش كده؟ لأننا مش هنطولكم دي لا اكمل انت عاوز الجندي بيقى باربعين دولار ويقعدوا يدوروا على ينهاك عشان يشتروا الجندي بتعاك او يدوروا على العملة يشتروا الجندي بتعاك عشان ياخدوا القطن بتعاك - 00:22:50

معي ولا مش معندي؟ اه فاصبحنا ما عندناش حاجة نصدرها ما فيش حاجة تصرفك ويا ريت ما بقى زراعي لويتنا زراعي نبقى حاجة حلوة قوي والله. والله نبقى حاجة حلوة - 00:23:10

واحسن من الصناعي ميت مرة عندنا قطنة طب انا عندي دبابة هاكل الدبابة انما عندي قمح مية مية عنده رز متين في المية ولا ايه اه فيجي هنا الزلازل بقول لك بيحب الزراعة اه بقى العينة دي الرجال ده هو عاجبني قوي - 00:23:25

بس هل هو راجل واحد ولا اكتر الله اعلم بس ايه دماغه فيها ايه يا عم انت قاعد في الجنة انسى بقى ابدا ابدا في الجنة ودماغه فيها صداع. اه الرجال ده يا ريت يجي مصر - 00:23:44

والله لو اعرف بيجي منين اروح اشتريه استورده. واجبيه هنا. حب الزراعة. اه في كل حاجة يا ابني متقدمة في كل حاجة وتقدمها في كل حاجة عارف ليه لانها بلد متدين - 00:24:03

دينه اللي بيحركه دينه اللي بيحركه ده اسمها ديني اصلا اسرائيل عبدالله الجنة فيها طبعا كما قال رب العزة وفيها ما تشهيه الانفس وتلذ الاله؟ الاعين. الزراعة اللي قدامه والشجر وكل حاجة حلوة حلوة يعني هو مش مش زعلان منها لأن ما هي الاية بتتطبق - 00:24:22

ليه ولا ايه تشهيه الانفس وايه وتلذ الاعين. بس هو عاوز حاجة طبعا دي اللي قدامه ده كله مخلوق. يعني هو اللي دخل الجنة لقى ايه؟ جاهز. كل حاجة. جاهزة. هو عاوز بقى يعمل حاجة - 00:24:54

عاوز يعمل حاجة. تخيل فعلًا في حاجة بتبقى حاجات عجيبة فعلًا في الناس يعني فرق بين انا نستورد السلعة وانتج الاله السلعة قمح يجي لي مسرطن وامحن عمله ارضي - 00:25:14

زرعه في ارضي رز يجي لي ما اعلم بها الا ربنا ورز طالع من ارضي فرق كبير اوبي. الرجال ده بقى بيحب الزراعة اوبي. يا عم انت في الجنة قال لا انا عاوز ازرع - 00:25:31

عاوز ازرع عاوز ازرع؟ ايه طب وهتبعي لمين؟ ما بينبعش ما هو اللي هيزرعه ما بينبعش وما حدش بيشتري. طب انت هتاكله هو انت محتاجه؟ لأن مش محتاجه مزاج يا اخي بحب الزراعة - 00:25:44

اهو هو دي بقى. كان رسول الله صلى الله عليه وسلم يوما يحدس وعنه رجل من اهل الادية الصحراه قال ايه بقى؟ ان رجلا من اهل الجنة استأذن ربه عز وجل في الزرع - 00:26:01

استأذن ربه ازرع عاوز ازرع فقال له ربه المست فيما شئت كل اللي قدامك ده مش عاجبك المست فيما شئت؟ قال بلى ولكن احب ان ايه؟ ان ازرع سبحان الله - 00:26:14

بيقى فيها ما تشهيه الاله؟ نفسه بتشهيه الزراعة. عاوز يزرع قال الرسول عليه الصلاة والسلام فبذر سبحان الله! ربنا وفر له ايه؟ تقاوي. لا الله الا الله ما فيها ما تشهيه ليه؟ ما هو الزراع يلزمها تقاوي. جت التقاوي. فبذر مسک التقاوي قام بذرها - 00:26:31

فبذر فبادر الطرف اللي هو بصره. بادر يعني ايه سابق. فبذر فبادر الطرف نباته واستواه واستحصاده فكان كامثال الجبال تخيل يعني هو بزر من هنا زي ما تقول مسلا ايه بسم الله - 00:27:00

غمض فتح بتعطيله واستوى وبقت قد الجبل احصد بقى حاصل ما هو عشان تشبع الايه؟ رغبته واستحضر. كان امسل جبال فيقول له ربه دونك يا ابن ادم لا يشبعك شيء - 00:27:36

قال الاعرابي والله لا تجده الا قرشيا او انصاريا الرجل ده من قريش يا من الايه؟ فانهم اصحاب زرع اما نحن فلسنا باصحابه فضحك
النبي صلى الله عليه وسلم ايا كان الرجل بقى - 00:28:03

بس يعني انا احبي الرغبة الجميلة قوي دي ان رغم الجنة فيها اللي فيها بس عاوز ايه ؟ يزرع عشان تعرف اهمية الزراعة الفرش
الفرش اللي في الجنة بقى ها - 00:28:23

مع اني لو نمنا على الارض ما فيهاش مشكلة ما هي ارضيتها دهب ولا ايه ؟ او فضة او لؤلؤ ها واكيد درجة الحرارة ايه ها جميلة جدا
بقي مكيفة انت مكيفه ايه ؟ ما فيش ولا اي حاجة خالص. ما فيش اي حاجة خالص - 00:28:40

حاجة الجو مريح جدا. يعني لو نمت على الارض اصلا انت نايم على دهب او نام على فضة لكن لا لازم نفرش لسيادتك نفرش
لسيادتك اه متكئين على فرش بطائتها - 00:28:57

من استبرق وجنى الجنتين دا. بطانها البطانة يعني اللي تحت. اقلب السجادة دي اللي تحت هو دي البطالة واللي احنا قاعدين عليه ده دي الدهارة دي الايه طبعا الدهارة ناعمة واحسن مش كده ولا ايه؟ ما تقلب السجادة تلاقي الايه؟ تلاقي الخشن. تلاقي الخشن بقى والكتان والدوبارة وال حاجات دي. ده بقى - 00:29:15

حاول خليك حاجة كده ايه نعمة كده وعاملينها زي الخمايل كده يعني بيقربوا من الحرير. تخيل بقى لما يكون البطانة بتاع الفرشة استبرق. يعني ايه؟ حرير تخين حرير تحت يعني البتاعة اللي تحت امال لما يكون القرآن قال هنا البطائر ما قالش الزواهر - 00:29:41

يجلسوا مش يفضلوا ما حدش يبقى مأسوف في الجنة اصلا يلبسه - 00:30:08

يلبسوا احسن لبس. وهناك برضه فيه لبس عافانا الله واياكم. قطعت لهم ايه؟ ثياب والعياز بالله ده اقطعوا له عشرة متر ده اقطعوا له
خمسة متر انما هنا لأثياب اهل الجنة بقى - 00:30:25

ثياب اهل الجنة قال رب العزة يحلون فيها من اساور من ذهب ويلبسون ثيابا خضرا من سندس واستبرق متكمين فيها على الایه ؟
يبقى من احسن الالوان اللون الاخضر لون مريح لون اهل الجنة بقى لانسياب اهل الجنة. ثيابا خضرا من سندس واستبرق -

قال ابن القيم السندي والاستبرق نوعان من الحرير واحسن الالوان الاخضر. السندي ما رق من الثياب والاستبرق ما كان ايه غليظا
وطبعا النعومة ديت زى ما باقول لك البطانة اللي تحت اصلا - 00:31:05

قاماش حرير کده توب حریر یعنی لأ حديد وحاجة حلوة قوي. اهديت للرسول عليه الصلاة والسلام - 00:31:24

عَمَالِيْنَ يَقْلِبُوْنَ فِيهَا وَالصَّحَابَةِ يَمْسُكُوْهَا. كُلُّ وَاحِدٍ يَمْسَكُ فِيهَا كَدَه حَلُو قَوِيَّ التَّانِيَةِ حَلُو قَوِيَّ طَبٍ وَبَعْدِيْنَ كَلَّهُمْ اِيْهُ هَاهُ؟ اعْجَابٌ بِالْاجْمَاعِ. فَازَا بِرَسُولِ اللَّهِ صَلَّى اللَّهُ عَلَيْهِ وَسَلَّمَ قَالَ لِمُنَادِيْلِ سَعْدِ بْنِ مَعَاذِنَ الْجَنَّةِ - 00:31:43

افضل من هذا والله العزيم يا اخوانى سعد بن معاذ ده حاجة عجيبة. طب اشمعنى اللي هو اللي جه في بال الرسول يعني زلك فضل الله يؤتى به من يشاء وما هو سعد يمسل لقمة مناديل؟ - 00:32:07

طب وباباكر ما لوش مناديل وعمر ما له شبه مش كلهم كل اهل الجنة لهم مناديل. اشمعنى سعد اللي يجي على لسان الرسول عليه الصلاة والسلام لما نادى له سعد - 00:32:25

لـ منادي له صعب سعد ده يعني حاجة خاصة كده هل تنسج ثياب اهل الجنة مش نسيت لأ ما تنساش. سـئـلـ الرـسـولـ
ـ كـدـهـ تـيـجيـ مـنـيـنـ السـيـابـ دـيـ يـاـ رـسـولـ اللـهـ؟ـ تـيـجيـ مـنـيـنـ - 00:32:39

عن ابى سعید الخدري قال رسول الله صلی الله علیه وسلم طوبی شجرة في الجنة مسيرة مائة عام يعني تمشي في ضلها میت سنة میت سنة تبقي شجرة ایه دی بقى - [00:32:59](#)

ظل الشجرة طوبی شجرة في الجنة مسيرة مائة عام ثياب اهل الجنة تخرج من اكمامها فيه شجر زی مسلا زی الموالح کده برتقان والسفندی والجاجات دی تلاقیه الزهرة وبتبتدي الزهرة ایه - [00:33:19](#)

آآ تفتح کده وبيبقى فيها بقى البرتقانیة الصغیرة او السفندیة والكافور شرحه برضه تلاقی فيه زهرة للكافور. شجرة بقى شجر کبیر کده وفيه ایه الزهراں دی بقى تنفتح تطلع ایه ها؟ سیاب اهل الجنة - [00:33:42](#)

وتفتح بقى الشجرة کل شویة تطلع زهر وتطلع ایه ثياب طبعا یلبسوها فجه فعلا واحد للرسول عليه السلام عن عبدالله بن عمرو قال جاء رجل الى الرسول صلی الله علیه وسلم فقال اخیرنی عن ثياب اهل الجنة - [00:34:00](#)

طب ایه ایه سر السؤال؟ لان هم مساکین يا اخواننا کت الصیانة عندهم نادرة قوي فکفارته ها اطعام عشرة مساکین من اوست ما تعمعون اهليکم او سبحان الله. فمن لم يجد - [00:34:15](#)

فمن لم يجد طب ليه قال الاول دول؟ لان ناس عريانة عاوزة تنکیسی فهنا السیاب بالنسبة لهم حاجة كبيرة. انتم فاکرین الصحابی الفقیر اللي جه المرأة اللي كانت وھبت نفسها للرسول عليه السلام؟ مش لاقی حاجة - [00:34:40](#)

قال له ازهہ فالتمس شيئا لم يجد شيء. وبعدین قال له ایه هزا ازاری يا رسول الله؟ ما عندي غيره انا عاوزك تتخيلي الصورة دی سبب يعني هزا السائل اللي بیسأله الصلاة والسلام عن ثياب اهل الجنة دی. لان السیاب ایه؟ ها؟ عزیمة. عزیزة - [00:34:58](#)

عزيزة انت بتسائل على السیاب! ما تيجي مطرح ما تيجي بس سیاب شاغل بالله في السیاب اه لان السیاب عزیزة. يقول له هزا ازار يا رسول الله. ليس عندي غيره. يعني ما لوش ایه؟ ما لوش رداء - [00:35:19](#)

قال له هتعمل ایه بازارک؟ ان لبسته هي ان لبسته مش هتبليسه انت وبن لبسته انت هي مش هتبليسه هتعمل ایه بالاizar تخيل لما يكون صحابی يعني رایح جای بیتحرک بالایه ها؟ ما فیش غيره - [00:35:38](#)

ما فیش غيره ساتر عورته وخلاص او الاو حديس عبدالله جریر ابن عبدالله البجلي لما اهل مدر مجموعه من مدر جت لابسة جلود النمور ما فیش حاجة خالص لا جلابية کتان ولا صوف ولا قطن ولا سموکم ولا اي کلام اللي انت بتسمعه ده خالص خالص - [00:35:53](#)

كل واحد شاف له نمر مسکه قتلہ وقام سلخه وقام لابس الایه الجلد بتاعه ما هو مش لاقی تخیل المترز ده ساعة الرسول لما شافهم حزن حزن. فعلشان کده بیسألوا بیقولوا ثياب اهل الجنة - [00:36:15](#)

اه تخلق آآ خلقا تخلق ام نسجن تننسک؟ فضحك النبي، عليه الصلاة والسلام وضحك بعض القوم لعفوا فضحك بعض القوم. فقال الرسول عليه الصلاة والسلام مما تضحكون من جاھل سأّل عالما اللي هو مین - [00:36:33](#)

الرسول. عاوز يعرف هو فعلا مش عارف وانتم تلاقوه انتم مطريقین مش عارفین. بس هو انت بتضحكوا عشان هو سأّل دی حاجة مهمة برضو ملحوظ الرسول بیلفت نزرنا له يعني ما تستحيیش من الایه؟ من السؤال - [00:36:55](#)

هم ضحكوا احنا برضه بنخاف نسأّل دلوقتی ربما حد يضحك او ایه يقول اه معقوله انا کل کل اللي قاعدين عارفین بصلی لایه؟ مش عارف. انا مش هسأّل فده بیسأّل اللهم ضحكوا قال لهم مما تضحكون؟ من جاھل سأّل عالما ثم قال این السائل؟ قال هو انا ذا يا رسول الله انا اھو - [00:37:10](#)

قال لا يعني مش ایه آآ يعني مش هتنسج ولا حاجات من دی والخلق بتاعها متجدد. لا بل تشقق عنها ثمر الجنة ثلات مرات يعني زی ما قلت لك کده اللي هو الزهرة بتاع الشجرة شجر الطوبه دی فيها زهر هيتفتح - [00:37:30](#)

يطلع الایه الثياب تلبس بقى ناس تلبس طبعا للكل الطعام اهل الجنة طبعا بردو فيها ما لا ایه؟ ولا ازن سمعت. وكل ما لز وطاب. لكن هنا یهودی بیسأّل النبي سوبان اھ - [00:37:54](#)

يقول عن ثوبان يقول ان حبرا سأله النبي صلى الله عليه وسلم من اول الناس اجازة مين اللي هيتأول ما يعدي يعني من على الصراط؟ فقا له: فرقاء المهاجرين: قا، اليهود، فما تحفظهم - 15:38:00

الصراط؟ فقال فقراء المهاجرين. قال اليهودي بما تحفتهم - 00:38:15

النون، او الحوت. قال، فما غذاؤهم على، اثراها. بعد ما يأكلوا الابه - 00:38:33

النون او الحوت. قال فما غذاؤهم على اثرها. بعد ما يأكلوا الايه - 33:38:00

هتختيأ ينحر الثور - 00:38:51

00:38:51 - هتخيل ينحر الثور

ويطعموا منه. قال فما شرابهم عليه بعد ما يأكلوا بقى هيشربوا عليه ايه؟ قال من عين فيها تسمى سلسيل قال صدقت ده مين اللي بيقول؟ الله! يعني عندهم علم؟ اه - 00:39:09

00:39:09 - ٥- علم؟ عندهم يعنى الله! يقول؟

والملوّمة دي سابتة عندهم اه وما بينكروهاش ومن كروهان مش كده؟ وعلشان كده قال ايه؟ كونوا هدى او نصارى لن يدخل الجنة الا عدهم. يبقى قال له صدقت. تقريرنا الامتحانات ديت - 00:39:26

الا عدهم. يبقى قال له صدق. تقريريا الامتحانات ديت - 00:39:26

امتحان الاصول عشان يتأكدوا ان هونبي اسئلة معينة كده عندهم الاخبار قايلين لهم على اسئلة كده اسألوه الاسئلة دي. ان جاوب عليها بيق، ايه؟ بيق، من ضمنها الاسئلة دي - 00:39:42

عليها يبقى ايه؟ يبقى من ضمنها الاسئلة دي - 00:39:42

وطبعا فيه طيور كما قال تعالى وفاكهه وفاكهه مما يتخيرون ولحم طير مما يشتهون ولحم طير. الطيور دي بقى غاية في النعومة
مش تاكا تلاق. اللحم تحش فـ سنانك هتقعد تحبس سلاكة - 00:39:54

مش تاكا تلاق اللحم تحشر في سنانك وتقعد تحب سلاكة - 00:39:54

ده بقت السلاكة تنباع ايه ؟ ليه ؟ لأن اللحوم بتبقى معركة معركة ولو اتعزموك تلاقيه بعد ما تخلص يناؤلك السلاكة. كانها جزء من العزمه خد طب ما تخلما اللحمة مسته عشا: ما تمسكش فـ اسنانكم - 00:40:15

العزومة خد طب ما تخلوا اللحمة مستو عشان ما تفسكش . فـ اسنانكم - 00:40:15

يقول لك ما احنا لو سوينا اللحمة هتخلاصها بسرعة وتقول هات كمان واحنا عندنا بتعمل شغل يدوخك شوية في الايه ؟ في المخ في ما تمخ غتخش في ننانك احنا حارس ، الـ 144 ماجم ط ، هزارة - 00:40:30

الطيور دي في منتهى النعومة. هزه الطيور غاية في النعومة لحديث انس. سئل رسول الله صلى الله عليه وسلم عن الكوثر. قال ذاك نهر اعطانيه الله تعالى فـ الحنة اشد اذاما من العصا في طرابلس كمانة الا - 00:40:47

00:40:47 - العناء كاعنة البا - في طب اعناقها من العسا - واحد من اللbn: اشد ساضاً: فـ الحنة

حمامه او اي حاجة تلاقي العنق بتاعها رقبتها زي الجمل. تبقى هي ايه بقى حاجة ايه ضخمة او اي. فقال عمر انها لناعمه. ده حاجة ايه ده فقة الديار على المسألة مالبس الد اكاديميا انعم 08:41:00

د. فؤاد الرسوا علىه الصلاة والسلام اكلها انفع منها - 08:41:00

اللهم ارزقنا اكلها انعم منها كل واشرب بقى مهما تأكل ومهما تشرب بطنك عمرها ما هتكرش ولا تنتفخ ولا تاخد بعد الاكل مهضم يقول
الايهات را عه فهنا عاهذه حاجة ساقعة - 00:41:24

00:41:24 - ای هات را عو فرنا عاہزون حاچہ سا اقہہ

خلي بالك الحاجة الساقعة بعد الاكل دي خيبة وافساد للاكل اسوة حاجة ساقعة بعد الاكل افساد للاكل وبالذات لما يكون عليها
مقدمة اذن فالله اكبا اهلا الحاجة عمده ما ليطناك بتتفتح مالاه حاجة ابا - 00:41:47

00:41:47 - اینجا ایا میباشد که میتوانیم خواهش خود را در اینجا ایا

بيروح فين الاكل؟ عن جابر قال رسول الله صلى الله عليه وسلم يأكل اهل الجنة ويشربون يأكل على قد ما يأكل ويشرب على قد ما يأكل

00:42:07 - ملائكة الرحمن - طلاق و زواج - عاشقانه

كريح المسك ما فيش فضلات اصلا ما فيش فضلات خالص لو الاكل الكتير ده احنا نقعد كم سنة ناكل كل هيروح فين؟

يعني تاكل اكلة جامدة خالص. هوب راحت ايه والتكريرعة دي بقى مش زي لوك الفجل وبصل لا لا لا كريح المساك جريح المساك

١- ملخصاً، يرى كوك، في مقدمة دراسته، أن تفاصيل الأسلوب في العناوين

00:42:45

ای اکل هتاكله هیخرج عباره عن ایه اه بس مش ریحة وحشة. لا ریح مسلک. ازای ده انا ممکن لحاجات تانی ؟ لا لا لا ما هو ما هي
الله عزوجل تبارك الله العزيم - 00:43:10

مش هيبيقى خبيسة بقى مش هتبقى شجرة خبيسة. والتوم والكلام فاتح للشهية؟ اه فاتحة للشهية بس ما لهاش بقى الريحة بقى خلاص بيتنفس دي بقى. لأنهمون التسبيح والتکبير كما تلهمون النفس - [00:43:27](#)

فهو عمال يسبح ويتكبر ويسبح فيبيتقرع اللي هو البوشة خلاص ما فيش بطنه ما فيش حاجة. عمرها ما تكبر ولا تتخن ولا اي حاجة من الحاجات دي الشراب طبعاً سواء كان اللبن سواء كان حمر. ان الابرار يشربون من كأس ايه - [00:43:49](#)

كان مزاجها كافور عيناً يشرب بها عباد الله. يفجرونها تفجيراً ويستقون فيها كأساً كان مزاجها زنجبيلاً وسقاهم ربهم شراباً طهوراً كل ده والشراب عمره ما يتغير ابداً عمره ما يتغير مهما طول الزمن - [00:44:10](#)

انهار من ماء غير ايه؟ وانهار من لبنا لم عمره. هو لبن حليب بتاع ساعته حليب بتاع ساعته حليب بتاع سعده عمره ما يتغير ابداً والخمر شرحه نساء اهل الجنة - [00:44:34](#)

سقى اهل الجنة بقى اطهر ما اطهر من الطهر اطهر من الطهر لأن القرآن ركز على مسألة الطهارة دي بقى وبشر الذين امنوا وعملوا الصالحات ان لهم جنات تجري من تحتها الانهار - [00:44:51](#)

كلما رزقوا منها من ثمرة الرزق ان قالوا هذا الذي رزقنا من قبل واتوا به متشابهاً ولهما فيها ازواج مطهرة. وهم فيها خالدون قل النبئكم بخير من ذلكم للذين اتقوا عند ربهم جنات تجري من تحتها الانهار خالدين فيها وازواجاً مطهرة - [00:45:10](#)

ورضوان من الله قال ابن القيم طهرت من الحيض والبول والنفاس والغائط والمخاط والبصاق دي كلها طهارة ايه ها ظاهرية يعني احنا عازين كمان طهارة الباطن اهم حاجة طهر باطنها من الاخلاق السيئة - [00:45:37](#)

والصفات المذمومة ما فيش بقى الدرة مش هيبيقى فيه هناك نساء زي الفرييك ابداً ابداً الفرييك هنا في الدنيا بس. الفرييك هنا عارفين الفرييك؟ اه. اه هي زي الفدية. خالص. تبقى هناك امرأة - [00:46:03](#)

طهرة طيبة طهرة طيب. الزوجة في الدنيا كله كله. طهر طرفها طرفها يعني بصرها بصرها من ان تطمع به الى غير زوجها. لا يمكن تبص ابداً لاي حد غير زوجها. فيهن قاصرات الطرف - [00:46:27](#)

عمرها ما تشووف غير زوجها ابداً ابداً ايا كان ايا كان. طب زميلها اللي كان في الشغل هتشوفوه ها ولا اي حاجة ولا اللي كان في الدراسة ولا ولا دارهم في البيت. الرجل جنبهم راجل كوييس - [00:46:57](#)

وارد ولا مش وارد طب ما تشووفه لا ممنوع ما تشووفش الا جوزها بس قاصرات الطرف الطرف قاصر على مين؟ على الزوج فقط. فقط انا انشاينهن انشاء فجعلناهن ابكاراً عرباً اتربياً. العروب المتحببة - [00:47:18](#)

تحبب لزوجها والاتراب كلهم في سن واحد. لا بيعجزوا كله كسبان ثلاثة وتلاتين سنة عشان بقى ايه ما يتحججش ولا تكرمش ولا سنانها تقع ولا اي حاجة خالص كده على طول - [00:47:42](#)

كده على طول وشبه على طول وجديدة على طول. كل يوم جديدة كل يوم جديدة عمرها ما بتقدم ابداً عددها للمؤمن في الجنة او عدد ما للمؤمن في الجنة من النساء - [00:48:03](#)

عن ابي هريرة قال رسول الله صلى الله عليه وسلم ان اول زمرة اي جماعة تدخل الجنة على صورة القمر ليلة القدر. اللهم اجعلنا منهم والتي تليها على اضواء كوكب دري في السماء - [00:48:21](#)

يبقى الاولانيين زي القمر والثانين احسن نجمة تشووفها في السماء دي الدفعة الثانية دي الدفعة الثانية لكل امرئ منهم كل امرئ منهم زوجتان اثنتان. دول من البشر يرى او يرى مخ سوقهما. من وراء اللحم - [00:48:42](#)

وما في الجنة اعزب وما في الجنة اعزب ان اول زمرة يدخلون الجنة او تدخل الجنة على صورة القمر ليلة القدر والتي تليها على اضواء كوكب يرى في السماء. لكل امرئ منهم زوجتان اثنتان - [00:49:09](#)

يرى مخ سوقهما من وراء اللحم وما في الجنة اعزب آآا الوصف ده وصف جميل قوي حاجة مشوقة يعني طبعاً يرى آآا مخ سوقهما من وراء اللحم. مين اللي هيراه - [00:49:35](#)

باش لان هي ما بتخرجش اصلا رياض في الخيمة على طول تقول مش هتزهق؟ لا طبعا مش هتزهق كل الكلام ده خلاص لدرجة ان من من من الشفافية والرقة والجمال الغير عادي - [00:49:59](#)

النخاع اللي جوة في القصبة بناء الرجل النخاع يشوفوا يعني امرأة بلورية حاجة آنور على نور شف النخاع يرى مخ سوقةما اللي هو النخاع من وراء اللحم ما فيش بقى غلظة ما فيش قتامة ما فيش وما في الجننة اعزب. كله لازم يكون ايه؟ اجوز - [00:50:19](#) لا من حريق لا من رجال ولا من الایه ولا من نساء وعن المقدمان ابن معد كريم قال رسول الله صلى الله عليه وسلم للشهيد عند الله سرت خصال وفيه اي في الحديث ويزود باثنتين وسبعين زوجة من الحور العين - [00:50:55](#)

يعني عدد كبير يعني. الباقي له برضه من الحور بس الشهيد ايه اه زيادة على ذلك بقى ازواج اهل الجننة بيفنوا لازواجهم بيسمع غنى عمره ما سمعه في حياته منهم. سمعته انت دلوقتي بس بتسمعه مني انا - [00:51:18](#)

مش كده؟ وانا انا باحكيه عن مين؟ عن الرسول. انما انت هتسمعه منها هي بقى حاجة تانية خلاص بانهي صوت بقى وبانهي نغمة عن عبدالله بن عمر ان النبي صلى الله عليه وسلم قال ان ازواج اهل الجننة ليغنين - [00:51:39](#)

ازواجهن باحسن اصوات سمعها احد فقط ان ممن يغنين عليه الصلاة والسلام. بيقول بيقول كلام هيتقايل يعني نحن الخيرات الحسان ازواج قوم كرام ينزرنا بقرة اعيان بيشوفونا بعين قارة بعين مرتحلة بعين راضية بعين سعيدة - [00:51:55](#)

قرة عين بينزرنا يعني بيشوفونا بقرة اعيان. نحن الخيرات الحسان ازواج قوم كرام. بتثنى على ايه؟ على زوجها. ازواج قوم كرام ينزرن بقرة اعيان وان ممن يغنين به نحن الخالدات فلا يمتن - [00:52:31](#)

مش هنموت ابدا. نحن الامنات فلا يخفن ما تخافشي. نحن المقيمات فلا يظعن مش هنسافر قاعدين ايه لرجالتنا على طول ولا زواجهنا على طول اه طبعا. القدرة على الجماع عن زيد ابن ارقم قال رسول الله صلى الله عليه وسلم ان الرجل من اهل الجننة ليعطى قوة مائة رجل - [00:52:58](#)

في الاكل والشرب والجماع والشهوة مائة رجل وعلى طول مش مية مسلا في السنتين الاولانيين وبعد كده يهنج لا ما هم اصل ما فيش اصلا زمن ما فيش زمن اصلا - [00:53:31](#)

على طول يبقى قوة الماء دي على طول. سبحانه يا رب! على طول! قوة مائة رجل في الاكل يأكل اكل مية رجل! ايوة. ويروحوا كلهم في فين ها؟ يتتجشاً يأكل اكل ميت رجل يتتجشاً - [00:53:53](#)

ويشرب شرب ميت رجل ويتجشاً ويجامع جماع مائة رجل. فقال رجل من اليهود فان الذي يأكل ويشرب تكون له الحاجة يا ترى بيسأل سؤال جديد ولا هو مش فاهم؟ ممكناً. قال اللي بياكل ويشرب له حاجة يعني عاوز يخش بقى حمام ويقضي حاجته. فقال - [00:54:09](#)

طول الله صلى الله عليه وسلم حاجة احدهكم عرق يفيض من جلده فاذا بطنه قد ضمر خلاص يعني زي برضو عرق يفيض من الایه وبرضو العرق يبقى زي الایه؟ زي المسك. هل يحدس حمل؟ زي الزرع بالزبط. حمل هنا زي الزرع - [00:54:30](#) الجننة فيها اولاد فعلا اوقات تفتح النفس هنشوفهم دلوقتي. الاولاد حاجة حلوة خلاص دور على على اما بعد هل يحدس حمل؟ عن ابي سعيد الخدري قال رسول الله صلى الله عليه وسلم ان المؤمن اذا اشتهر الولد في الجننة وارد ولا مش وارد - [00:54:54](#)

وارد ممكن يكون مختلف في الدنيا كتير برضو يشتاق للعيال عاوز عيل. هي عمل لك صداع؟ لا مش هي عمل صداع. هيتعطع و هو و شهها والشهر الاول يا ابني انت هتعمل بود ايه؟ ما عدنا الجننة فيها كل حاجة هي فيها عيال برضه صغيرة. لا انا عاوز عيل تبعي - [00:55:22](#)

برضو دي انا احبي هزا الایه ليه؟ لان انا زعلان من الوضع الحالي. الوضع الحالي كله ايه؟ قافل بالضبة والمفتاح. مش عاوزين عيال صحي ولا مش صح؟ مش عاوزين عيال. مش عاوزين عيال لا الدنيا غالبة - [00:55:46](#)

فده برضو مع ان الدنيا هناك ايه؟ هيصة عيصم وعاوز ايه هو كده بحب الناس اللي تعمـر الكون دي عنده عدد كده بيـتوه فيـهم زي

السعودي انه يخالف اربعة وخمسين والثاني مختلف اثنين وخمسين. اثنين اخوات - 00:56:02

حاجة حلوة او حاجة في منتهى الحلاوة صاحبي كان دكتور هناك يقول لي انا بأسأله عشان اكتب اسمه في التذكرة واكتب العلاج. باقول له اسمه ايه ؟ قال له والله ما ادري اسأل امه - 00:56:25

امه عارفة وبعدين قال له ازاي ؟ قال له انا مختلف اثنين وخمسين او اربعة مش فاكر واخويا مختلف كذا. يعني هو هو واخوه كل واحد اثنين وخمسين واربعة وخمسين. قال له اسأل امه - 00:56:39

طبعا انت قل الكلام ده اهو ده الجهل بعينه. واهو ده المش عارف ايه والله انت اللي جهله فعلا كل اربعة وخمسين عيل حاجة حلوة خالص. اثنين وخمسين خمسة ستة يطلعوا وحشين - 00:56:53

عشرة حلوين دايما لما تكون حته عيل واحد وطلع وحش. وقعتك سودا ما هو ما فيش الا ايه انما العدد الضخم ده حلم حلو حلو العدد ده حاجة طيبة هتلاقى فيه كل المواهب - 00:57:06

هتلاقى في كل المواهب ولا ايه اه يفسد عشرين يبقى تلاتين صالحية. تلاتين ! ايوة تلاتين واحد صابحين طبعا وكل امة كده كل امة كل امة تحب تزيد وتكتثر الا احنا بس - 00:57:26

فالهمم هيحصل حمل هي نفس زي ما دوكهن اشتئي الزرع لانه بيحب الايه ؟ ده بيحب الخلفة اكيد دهو اللي هو طلب دهو بيحب الخلفة اكيد بيحب الخلفة مش بيخاف منها - 00:57:49

عن ابي سعيد قال رسول الله صلى الله عليه وسلم ان المؤمن اذا اشتئي الولد في الجنة نفسه في ولده كان حمله ووضعوه وسنه في ساعة كما اشتئي انا عاوزه صغير كده يبقى ايه ؟ دمه خفيف. خلاص بيجي صغير دمه انا عاوزك به الرجال حلو كده. يبقى كبير اللي انت المقاس اللي انت عاوزه - 00:58:05

سبحان الملك ! اه شك عاوز عينه خضرا عاوز شعره اصفر عاوز اللي انت عاوزه هيستهيه من هنا هيبيص يلاقي. هينام مع امه فجأة يلاقي ولد واتولد كبر بالشكل اللي انت عاوزه بالمقاس اللي انت عاوزه. انا نفسي فيه يبقى صغير كده اهي. مش كده - 00:58:33
اقعد احدهه فوق شوية كده واسقطه ها بيسموها ايه ؟ هشتكتوا دي في اللغة العربية ؟ ها نفسي اعمل اي حركة معها كده. بيجي يا اخي بقى ما انت المقاسي اللي انت عاوزه والحجم اللي انت عاوزه والشكل اللي انت عاوزه - 00:59:03

دي ناس احبيها احبيه هم دول اللي بيحبوا الخلفة لانه في الجنة ونفسه برضه في الايه ؟ الواد ده هيروح فين بعد كده ما ترد هيقعد في الجامع. اه الولد في الجهة اروح فين ؟ هيموت انما الجنة ما فيهاش موت - 00:59:24

المصطلح ده ما عدش موجود تاني. ما فيش موت مش هيموت خلاص هو ده عاوز تاني يجي لك تاني قاعد طب هيستغلوا ؟ لا مش يأكلوا ويسربوا ويلعبوا كان ممكن يكبر وارد الله اعلم به ما عرفش فيها بقى. يكبر يبقى سنه ثلاثة وتلاتين ما اعرفش - 00:59:46

لما لو عاوز تاني بيجي تاني لما عمره ما هيموت ده ما يموتش لان الجنة ما فيهاش موت اصلا اطفال المسلمين في الجنة اطفال المسلمين الذين ماتوا قبل البلوغ في الجنة ان شاء الله تعالى لحديث ما من الناس مسلم يتوفى له ثلاث - 01:00:06

لم يبلغوا الحنث الا ادخله الله الجنة بفضل رحمته ايهم يعني هم هيدخلوا وهو هيدخل. نعم ؟ سورة الحمل والولادة وال حاجات دي مم. نعم. اه. مع سيدنا عيسى. عيسى. نعم. نعم - 01:00:25

نعم ونقل النبووي والاجماع على ان ايه آا اطفال المسلمين فين ؟ في الجنة اه بعضهم توقف بعض العلماء يعني توقف قال مش كله ما نقدرش نقول كله صح ما نقدرش نقول كله - 01:00:48

ما اقدرش اقول كل اطفال المسلمين في الجنة لكن نقول على العموم اه اطفال المسلمين في الجنة. بدليل حديث عائشة لما توفي صبي من الانصار قال طوبى له لم يعمل - 01:01:05

سوءا ولم يدركه. فقال النبي صلى الله عليه وسلم او غير ذلك يا عائشة ان الله خلق للجنة اهلا ده منهم ولا مش منهم ؟ ما تحكميش. شيخ الاسلام ابن تيمية رحمه الله يقول لا يشهد لكل معين من اطفال - 01:01:18

مؤمنين بانه في الجنة صح ما نشهدش لكل واحد كده كل واحد لأن وان شهد لهم مطلقا. نقول اطفال المسلمين انما ده هو

تحديداً أبداً بدليل أية حديث مسلم الرسول صلى الله عليه وسلم يقول فيه إن الغلام الذي قتله الخضر - [01:01:38](#)

طبع كافراً ولو عاش لارهق أبوه أو والديه طغياناً وابه؟ مع أن أبوه وامه أية؟ مسلم بل مؤمنين واضح كده؟ أه. الخدم بقى في الجنة آخر حاجة معنا اختلف أهل العلم. الخدم اللي بيخشوا في الجنة وبيطوفوا حواليهم - [01:02:02](#)

الولدان المخلدون دول يطوف عليهم ولدان مخلدون باكواب وباريق وكأس من معين. دول منين الاولاد دول هل هم ولاد الناس ما ينفعش؟ طب ولاد ما ينفعش ليه؟ لأن الكل هيكم كل خلقه ويبيقى أية؟ ثلاثة وتلاتين - [01:02:24](#)

ميت سنة دول خلق جوة الجنة نفسها حلاوتهم في كده. وفعلاً يا أخواننا لازم يعني الأطفال لهم حاجة حلو يعني الأطفال لهم بهجة كده. الأطفال لهم بهجة فهتلاقي الولدان المخلدون دول حاجة كده متنبورة في الجنة. إذا رأيتم حسبتهم أية؟ لؤلؤاً منثوراً. لؤلؤاً منثوراً - [01:02:44](#)

في لؤلؤة كده بتجري وتتحرك فيها فيها بهة وفينا فرحة وفيها حب كده. دول بقى خلق الجنة مش ولاد الناس ولاد الناس بيكبروا ويبيقوا على صور أبיהם أدم عليه الصلوة والسلام وده كلام شيخ الإسلام ابن تيمية عليه رحمة الله قال الولدان - [01:03:08](#)
المخلدون هم خلق من خلق الجنة ليسوا من أبناء الدنيا بل أبناء أهل الدنيا ان دخلوا الجنة كمل خلقهم كأهل الجنة على صورة أبיהם أدم. اللهم ارزقنا الجنة وما يقرب إليها من قول وعمل - [01:03:26](#)

ربنا يعلم أعلم بما كانوا عاملين أه نعم أو أو يمتحنوا أو يمتحنوا. ما هو أفضل السواب عند الله بالنسبة للاحيا والآموات بالنسبة للثواب عند الاحياء لما جاءه الرسول عليه الصلوة والسلام - [01:03:46](#)

صحابي يسألوا يغصوا الله قل لي في الإسلام قولنا لا أسأل عنه أحداً بعدك قال قل أمنت بالله ثم استقم أحسن الثواب الاستقامة استقيم في كل حاجة زاهرة قلبك يستقىل عينيك تستحيل لسانك يستقىل ودآنك تستقىل. كل حاجة فيك ايدك تستقىم - [01:04:14](#)

وبالزارات عينك يا أخوانا النهاردة. عينك دي مطلوب استقامتها. أحسن ثواب. أداء الفرائض ده اداء الفرائض ده امر مفروغ منه إنما بقى الاستقامة الاستقامة. وقل أمنت بالله كلنا نقول الحمد لله إمنا بالله. بس ينقصنا أية بقى؟ نصلی. استقم - [01:04:41](#)

استقم لعينك تستقىم مهمة أوي أوي. غض البصر وعينك ما تشوفش إلا الحلال. عينك ما تبصش إلا في وجه أبيك وامك في وجوه الصالحين في المصحف استقامة البصر ده مهم أوي أوي في في زمن الفتنة وكل البلاء اللي أنت شايفه في الشارع ده عشان البصر مش مستقيم. والله العزيم لو كل متبرجة - [01:04:59](#)

مشي في الشارع وكل الناس قرفت منها وما بتصتش ناحيتها ما هتخرج تاني متبرجة إنما حاسة إن أية؟ مخنوقي. ملعلة. أبقى بتص واحد كده. المح بس على بعد واحدة متبرجة. ما تبصش ناحيتها. بتص - [01:05:22](#)

العكس في الاتجاه الثاني. بتص على عيون الناس بتص على عيون الناس وهي بتتص عليه استقامة البصر ده في الزمن اللي احنا فيه ده بالزارات اعظم استقامة. ليه؟ هتقضي على حاجات كتير جداً. من غير ما نقول لهم البسوا الحجاب هيلبسوه - [01:05:39](#)
تو ليه؟ لأن احنا اهملناهم أصلاً. هنبعص لها ليه؟ هي فيها أية أصلاً كده فهو دي يعني. قل أمنت بالله ثم صلواتك تقضيها في ميعادها أي الاعمال خير؟ قال الصلوة لوقتها - [01:05:57](#)

الرسول بيسأل أهوا وانت بتسأل عن أفضل الصواب؟ أه. يقول لي أي الاعمال الصلوة لوقتها الله أكبر سب اللي في ايدك صل وبعدين كل حاجة تتعمل بعد كده. صلاة لوقتين. ثم أي ثم أي اللي بعد ذلك قال بر الوالدين - [01:06:15](#)

بر الوالدين بر الوالدين مهم قوي والشباب النهاردة بالزارات ولد ولد الوالدين في دماغه. أنا واحد اتصل على. قلت لكم الكلام ده ولا ما قلتكمش لأن قلته في حته تاني - [01:06:31](#)

الواد ساب السانوية وراح عاوز يروح ايطاليا ومشي مش وهو حالياً في ليبيا أبوي بيتصلك على الواد في ليبيا وعاوز يكمل بقى يروح فين فعاوز عاوز أبوه بيعت له فلوس - [01:06:42](#)

وساب السانوية وساب المولد ده كله اديني عقلك بقى شف احنا عمالين ندي دروس ونجح في الاعدادية وان شاء الله ودخل السانوية ما شاء الله هيبيقي دكتور هيبيقي مهندس هيبيقي - 01:06:57

يلاباعاليه؟ القضية. بلا اب بلا ام بلا دراسة بلا انا اروح اغسل لي طبقين هناك يجيب لي شوية فلوس في الهواك واجي 01:07:09

صح ولا مش صح؟ ده لقى الطبقين ده ان عدم البحر والسمك - 01:07:27

لا ويبيقول لي ابعت له فلوس. قلت له ما تبعتلوش فلوس وادعوله ربنا سبحانه وتعالى. ادع له ربنا وما تبعتلوش فلوس عشان ما تساعدوش. الهجرة اصلا بتبقى من بلاد الكفر لبلاد الاسلام - 01:07:40

الاصل ان ابني ده لو انا خلفته هناك وانا جيت ما انا هنا وهو لسه هناك انه يهاجر ويجيينا ان الذين توفاهم الملائكة ظالمي انفسهم قالوا فيم كنتم الاصل الهجرة تبقى لبلاد الاسلام - 01:07:57

يجي في مكان فيه جماعة فيه صلاة فيه عبادة فيه دين فيه كذا فيه كذا واضح؟ فالشاهد يا اخوانا من من احسن الاعمال تبر والديك احياء وامواتا. من احسن الاعمال - 01:08:09

تقضي الفريضة في وقتها من احسن الاعمال تستقيم وزي ما ركزت معكم كده استقامة البصر. مهمة اوي اوي وكمان هيخلني ايمانك يزيد ويخلني قلبك يبقى نضيف لأن النزد ده سهام بتخشن في القلب تدمره - 01:08:26

ادمروا ولا تحس العبادة بطعم ولا للصلة ولا القرآن يسكن في قلبك حاجات كتير. ايوة ما هي دي ما هي كم امرت؟ افعل هزا ولا تفعل هزا. مع تفاصيل كتير بقى. افعل هزا ولا تفعل هزا - 01:08:44

هنا بالنسبة ايه؟ ما يلفظه من قول الا لدیه رقیب عتید. مش عارف يعني هو عاوز يقول ايه اه يعني اي كلمة هتقولها بتنكتب سواء فيها ثواب او عقاب او لا ثواب ولا عقاب - 01:08:59

يعني مسلا ايه؟ قلت سبحانه الله والحمد لله ولا الله الا الله والله اكبر. ينكتبوا وينزروا لك كم شجرة؟ اربعة. شتمت واحد تنكتم. قلت كلمة لا فيها شتيمة ولا فيها ذكر - 01:09:15

مسلا ايه؟ انا هاكل بعد ساعة. فيها ايه دي؟ ها؟ لا فيها سواب ولا عقاب يا جماعة بتقول لاهل بيتك انا انا هاكل بعد ساعة تعملا حسابكم انا هاكل بعد ساعة دي فيها سواب ولا فيها ايه - 01:09:31

بس تنكتب وتتمسح على رأي بعض اهل العلم كل يوم الخميس كل يوم الخميس ايه؟ اللي ما فيهوش سواب والعقاب ده يتمسح. بعض اهل العلم قلب هزا. واللي فيه سواب وعقاب مكتوب - 01:09:44

محظوظ اهو لا دي مش دی لا حول ولا قوة الا بالله ولقد فيها سواب فيها سواب اه كنز اه فيها سواب دی الاخ السوق والاخت السوق والصاحب السوء وجليس السوء تجنبهم والبعد عنهم حتى القاء السلام من الافضل. لا - 01:10:07

القاء السلام لابد تلقي السلام انما تجنبهم ماشي جنب الاخ السوق والاخت السوق والصاحب السوء. بس حاول الاخ والاخت دول يعتبروا من رحم الانسان الاخ والاخت دول من رحم الانسان ياخذ باليدهم. ما يسيبهمش في السوق - 01:10:25

لكن القاء السلام؟ اه لأنلقي السلام انما لو فيه ضرر وكده بعد النصيحة ولو يئست من النصيحة تتجنبهم اه بس لابد من القاء السلام. خروج بعشرين جرام دهب يتم خروجه جرامات ولا مبلغ - 01:10:48

يعني هل الزكاة عشرين جرام هنطلعها جرامات ولا تطلعها فلوس مش عارف هو طبعا المسكين المسكين دلوقتي اه لو وديته دهب هين بيسقط المشكك لو خد دهب دلوقتي في البحيرة بس مش عارف هو يقصد ايه - 01:11:08

قرض والله ان كان قرض هيدي له دهب ويأخذهم دهب لو سلفه عشرة جرام عشرين جرام يردوه لهم وعاش عشرين جرام او هيدي له فلوس يبقى بتعالى الذهب هيبيع ويدي له الاليه؟ الفلوس. ويأخذهم ايه؟ يأخذهم برضه فلوس. لا - 01:11:29

خد العشرين جرام يرجعهم عشرين جرام طلع ونزلوا يرجعهم عشرين. استلف عشرين يرجع عشرين استلف فلوس يرجع فلوسه. ايوة بالضبط كده يعني ان قال له انا ما عييش فلوس نقدية - 01:11:48

خد ديت من ايد مراتي صرفها يرجعها له زي ما كان. ها مسلا بعد سنة والذهب فيها. يرجعها له زي ما كانت. عضوشة مستعملة ترجع

غوشة مستعملة واضح والله تعالى اعلى واعلم وصلى الله وسلام وبارك على سيدنا محمد -
01:11:48